

新修慶陽府志卷之三十六

紀事

柳宗元狀段太尉逸事而秀實之傳始詳王禹偁補五代史闕文而梁唐晉漢周君臣之行事畧備此紀事之不可無也尚矣茲據史傳所紀上下數千年之事分列備載之非確有可攷者概置不錄志紀事

秦厲公二十三年北伐義渠擒其王以歸

惠公五十五年北伐義渠取二十五城

始皇二十七年駕北巡義渠作極廟前殿築甬道馳

慶陽府志

卷之三十六

紀事

一

道是年始北巡由隴西北地出鷄頭山迺回中作信宮更命信宮為極廟以象天極自極廟道通驪山

作甘泉前殿築甬道自咸陽屬之又作馳道

三十三年遣將軍蒙恬發兵擊胡是時以止秦者胡之讖因命蒙恬為

將軍將精兵三十萬北伐匈奴誓滅胡羌

三十四年築長城自高山北地上郡繚絡數萬里以拒胡

前漢文帝三年五月匈奴入北地居河南為寇遣丞相

頽陰侯灌嬰擊之

十一年募民徙塞下晁錯上書言於帝曰胡貉之地其性耐寒揚粵之人其性耐暑

秦之戍卒不宜水土戍者死於邊輸者償於道秦民見行如往棄市陳勝先倡而天下從之者秦以威劫

而行之之散也。不如選常居者為室，屋具田器乃募民免罪，賜爵復其家。予冬夏衣，粟胡人入驅而能止其所驅者，以其半予之。如是則邑里相救助，赴胡不避死，非以德上也。欲全親戚而利其財也，此與東方之戍卒不習地勢而心畏胡者功相萬也。上從其言，募民徙塞下。

十四年匈奴入寇，蕭關遣將軍張相如、樂布將兵擊

之出塞而還。匈奴十四萬騎入朝，那蕭關殺北地都尉，印勇人畜甚多，使騎兵繞回中宮候

騎至雍，甘泉詔發車千乘，騎卒數萬，上親勒兵欲自征匈奴。羣臣諫不聽。皇太后固爭乃止。以張相如、樂

布為將軍擊逐出塞而還。

武帝元光元年遣將軍李廣將兵屯北邊。廣與程不

兵有名當時廣行無部伍行陣最善水草止舍人人自便不擊刁斗自衛幕府省約文書然亦遠斥堠亦

慶陽府志

卷之三十六

紀事

二

嘗遇害不識正部曲行伍營陣擊刁斗治軍簿至明軍不得休息亦未嘗遇害然匈奴畏廣之畧士卒亦

多樂從廣而苦不識

元狩三年徙山東貧民於關西朔方。山東被大水民多饑乏遣使虛

倉廩以賑猶不足又募富人假貸尚不能相救又徙貧民關西朔方新秦中七十餘萬口皆仰給縣官數

歲貸與產業使者今護費以巨萬計

四年卜式輸財助邊拜為中郎賜爵左庶長。河南卜

式數輸財縣官以助邊天子使使問式欲官乎式曰臣少田

牧不習仕官不願也使者問曰家豈有冤欲言事乎武曰臣生與人無怨爭邑人貧者貸之不善者教之

何有冤無所欲言也使者曰苟如此子何欲式曰天子誅匈奴愚以為賢者宜死節於邊有財者宜輸委如此而匈奴可滅也上以問公孫宏宏曰此非人情

不執之臣不可以為化至是上以式終長者欲
尊顯以風百姓乃名拜式為中郎賜爵左庶長

昭帝元鳳四年駿馬監北地傳介子誘樓蘭王刺殺

之傳介子北地人為駿馬監使大宛詔因令責樓蘭
王王謝服介子還謂大將軍光曰樓蘭數反復不
誅無以懲艾請往刺之以示威諸國大將軍光遣之
介子至國以計誘刺殺於帳中傳首詣闕詔封為義
侯陽

宣帝五鳳三年置北地屬國以處匈奴降者

成帝永始二年侍中張放以罪左遷北地都尉上嘗與張

放等晏飲禁中皆引滿舉白談笑大噉時乘輿幄坐
屏風畫紂王醉踞如已作長夜之樂侍中班伯久疾
新起上顧指畫而問曰紂為無道至於此乎對曰書
云乃用婦人之言何有踞肆於朝所謂衆惡歸之不

慶陽府志

卷之三十六

紀事

三

如是之甚者也上曰苟不如此此圖何戒對曰沉湎
於酒微子所以告去也式號式呼大雅所以流連也
詩書淫亂之戒其原在於酒上歎曰吾久不見班生
今日復聞讜論放等不憚稍自引起更衣因罷出太
后諸舅聞之以諷丞相御史奏放罪惡
請免就國上不得已左遷北地都尉

順帝永建二年秋九月詔復安定北地郡安定北

地上郡山川險阨沃野千里土宜畜牧水可溉漕頃
遭羌亂郡縣兵荒二十餘年矣棄沃壤之饒捐自然
之利不可謂利離河山之阻守無險之虞難以為固
今三郡未復園林單外而公卿選儒計費不圖其安
宜開聖聽考所長使謁者督徙者各歸本縣繕城郭
置候驛又浚渠屯田省歲費一億計遂令諸郡儲粟

年周數

永和五年羣唐羌寇北地郡

六年冬十月徙安定北地郡

靈帝嘉平三年二月鮮卑寇北地

晉惠帝元康六年夏匈奴郝度元等反匈奴郝度元與馮翊北地馬蘭

羌靈水胡等反寇北地太守死之

光熙元年三月五苓夷寇寧州會刺史李毅卒其女

秀掩擊破之寧州頻歲饑疫五苓夷強盛遂圍寧城李毅病卒女秀明達有父風眾推領州

事獎勵戰士嬰城固守城中糧盡眾鼠拔草而食之伺夷稍怠輒出兵擊破之

愍帝建興四年漢劉曜陷北地曜圍北地麴允救之曜使反間給允曰郡

城已陷往無及矣眾懼而潰曜追賊允遂取北地允性仁厚無威斷喜以爵位悅人諸郡太守皆領征鎮

慶陽府志

卷之三十六

紀事

四

村塢小者猶假銀青將軍之號然思不及下故諸將軍驕恣而士卒離怨

南北朝魏正光五年朔方胡反圍夏州刺史源子雍城中食盡子雍欲

自出求食行數日為胡騎所擒時其子延伯守統萬子雍潛遣人骨書勅城中努力固守眾感其義莫不

奮厲子雍被擒為陳禍福眾賊立降

唐元宗十五載幸蜀太子往就朔方通夜馳三百餘里至彭原太守李遵出迎獻衣及糧

糧

七月太子即位靈武裴冕杜鴻漸等踐五上乃許

李泌至靈武帝拜為右相不受初京兆李泌幼以才敏著聞元宗欲官之

不可使與太子為布衣交楊國忠惡之奏徙蘄春後隱居潁陽上自馬薨遣使召之謁見於靈武上大喜

出則聯轡寢則對榻如為太子時事無大小皆咨之言無不從上欲拜泌為右相泌固辭曰陛下待以賓客則貴於丞相矣何以官為上乃止

八月郭子儀徵兵至靈武拜靈武長史同平章事子儀等將兵五萬自河北至靈武軍威稍振人始有興復之志

九月以李泌為參謀軍國元帥長史上與泌初行軍

黃者聖人也衣白者山人也上聞之以告泌曰艱難之際不敢相屈以官且衣紫袍以絕羣疑泌不得已受之上笑曰既服此豈可無名稱出懷中勅以泌為侍謀軍國元帥府行軍長史泌固辭上曰朕非敢相卿以濟艱難耳俟賊平任行高志泌乃受

監察御史李勉劾管崇嗣於廷帝原其罪上在靈武時塞上精

慶陽府志

卷之三十六

紀事

五

兵皆選入討賊惟餘老弱守邊文武官不滿三十人披草萊立朝廷制度草創武人驕慢大將管崇嗣在朝堂背闕而坐言笑自若監察御史李勉奏彈之繫於有司上特原之歎曰吾有李勉而朝廷始尊

帝如彭原李泌勸上且幸彭原俟西北兵將至幸扶風以應之於是庸調亦集可以贍軍上從

之遂如彭原

二載上皇命崔圓赴彭原

肅宗上元元年以郭子儀領邠寧鄜坊節度使莞項

吞噬邊鄙將通京畿乃分邠寧為鄜坊節度以邠州刺史桑如珪鄜州刺史杜冕領之分道招討而以鄜子儀領兩道節度留京師借其威名以振之

代宗大歷元年以馬璘兼邠寧節度使璘以段秀實

為都虞候以四鎮北庭行營節度使馬璘兼領邠寧
璘以段秀實為都虞候卒有能引弓重二
百四十斤者犯盜當死璘欲生之秀實曰將有愛憎
而法不一雖韓彭不能為理璘善其議竟殺之璘處
事或不中理秀實爭之璘或怒甚秀實曰秀實罪若
可殺何以怒為無罪殺人恐涉非道璘搆衣起良久
置酒召秀實謝之自是事皆
咨秀實而後行聲稱甚羨

十三年秋吐蕃寇益慶郭子儀遣李懷光擊破之

德宗貞元四年吐蕃寇涇邠寧慶廊州

先是吐蕃常以秋冬入寇

春夏多病疫而退至是得唐人質其妻子遣其將將之盛暑入寇諸州無敢戰者吐蕃大掠而去

秋七月以張獻甫為邠寧節度使權范希朝為寧州

刺史

慶陽府志

卷之三十六

紀事

六

八年城益州以備胡

十三年春二月築方渠合道木波三城

集賢注云方渠在環南七

十里合道城在西南七十里木波在環南四十五里

憲宗元和元年以高崇文為邠寧節度使

高崇文在蜀期年謂

監軍曰西川乃宰相回翔之地崇文豈敢自安屢上表稱蜀中安逸無所陳力願効邊陲故有是命

十四年吐蕃寇益州靈武牙將史奉敬擊破之

武宗會昌六年党項陷邠寧益州以米暨為招討党

項使

党項侵盜不已攻陷邠寧益州界城堡上決意討之故有是命

宣宗大中三年靈武節度使李欽取安樂州詔為威

州初吐蕃勢盛吐谷渾徙靈州帝置安樂州拜刺史未幾吐蕃復寇復得故地

大中四年三月以白敏中充招討党項都統制置使

上以党項久未平頗厭用兵崔紘建議宜遣大臣鎮撫乃以白敏中為制置使

五年以白敏中為邠寧節度使

六年夏月以畢誠為邠寧節度使

党項復擾邊上欲擇帥而難其人從

容與翰林畢誠論邊事誠援古據今具陳方畧上曰不意願牧近在禁中卿其為朕行乎誠欣然奉命

冬十月畢誠招諭党項降之

梁太祖開平三年岐遣劉知俊圍梁靈州梁遣兵救之

克岐寧衍二州拔慶州解靈州圍尋大敗於岐而還

慶陽府志

卷之三十六

紀事

七

周太祖廣順二年慶州野鷄族反以折從阮為靜難節

度使討之

慶州刺史郭彥欽性貪野鷄族多羊馬彥欽故擾之以求賂野鷄族遂反徙折從阮

靜難節度使討之

三年周寧州殺牛族反

初殺牛族與野鷄族有隙聞官軍討野鷄族饋餉迎奉官

軍利其財畜而掠之殺牛族與野鷄合敗兵於包山周主以郭彥欽擾羣胡以致作亂黜廢於家

周以郭元昭為慶州刺史

宋太宗至道二年李繼遷圍靈武遣李繼隆等分道討

之淳化六年李繼遷寇紅德砦酋長慶香與訖都慶

合擊之以砦兵策援大敗繼遷擒四千九十人俘獲

甚衆

真宗六年四月李繼遷寇紅德砦蕃官慶香自都慶等擊走之以慶香等領刺史

景德二年二月環人言戎人入寇擊走之俘其軍主四月戎人又寇環州擊敗之執其酋慶都請戮之詔釋其罪配淮南

祥符九年五月邠寧環慶部署王守斌言夏州蕃騎千五百來寇慶州內屬蕃部擊走之

仁宗景祐元年秋七月趙元昊反寇環州

慶陽府志

卷之三十六

紀事

八

三年十一月趙元昊侵回鶻取瓜沙肅州寇環慶天聖三年六月環原州屬羌叛寇邊環慶都監趙士隆等死之遣使者安撫

十二月環慶蕃部崑逋等內附

寶元元年以范雍為鄜延環慶安撫使經畧夏州

二年元昊入寇環慶路兵馬副都總管任福破白豹城

康定元年元昊寇延川副總管劉平石元孫歿於陣

二月敗范雍知安州時平元孫屯慶州而雍名不律以致敗故敗之

命知制誥韓琦安撫陝西

以范雍節度失宜故特命之

以夏竦為陝西經畧安撫招討使韓琦范仲淹副之

慶曆元年元昊議和范仲淹以書諭之

詳見藝文

二月元昊寇渭州任福與戰於好水川敗死貶韓琦

知秦州

韓琦行邊到高平元昊果遣眾寇渭川薄懷遠城琦乃趨鎮戎盡出其兵又募勇士萬八

千人命環慶副總管任福將之以耿傳參軍事涇原都監桑懌為前鋒朱觀武英王珪各率所部福將行琦令福并兵自懷遠至德勝砦至羊牧隆城出敵之後諸砦相距才四十里道近糧餉便度勢未可戰即據險置伏要其歸路戒之再三且曰苟違節制有功亦斬福引輕騎數千趨懷遠掠龍川遇鎮戎西路巡檢常鼎劉肅與敵戰於張家堡南斬首數百敵棄馬羊橐駝佯北桑懌引騎趨之福踵其後謀傳敵兵少

慶陽府志

卷之三十六

紀事

九

福等頗易之薄暮與懌合軍屯好水川觀莫屯籠絡川相距五里約翌日會兵川口必使夏人匹騎無還然不知已蹈其伏中矣道既遠芻餉不繼士馬乏食者三日時元昊自將精兵十萬營於川口候者言夏人有砦不多詰旦福與懌循好水川西行出六盤山下距羊牧隆城五里與夏軍遇諸將方知墮敵計勢不可留遂前格戰懌於道傍得數銀泥合封嚴謹密中有動躍聲疑莫敢發福至發之乃懸哨家鴿百餘自中起盤飛軍上於是夏兵四合懌馳其鋒福陣未成列賊縱鐵騎突之自辰至午陣動眾欲據勝地忽夏人陣中樹斨老旗懌等莫測隨而旗左麾左伏起右麾右伏起自山背下擊士卒多降崖壑相覆壓懌肅戰死敵分兵數千斷官軍後福力戰身被十餘矢有小校劉進勸福自免福曰吾為大將兵敗以死報國爾揮鉄錮挺身決鬪鎗中左頰絕其喉而死子懷亮亦死之敵乃并兵攻觀英戰既合珪自羊牧隆城引屯兵四千五百戰於觀軍之西渭川駐泊都監趙津將瓦亭騎兵二千繼至珪屢出畧陣陣堅不可破

英被重傷不能視軍敵兵益至官軍大潰英津珪等皆死士卒死者萬三百人惟觀以兵千餘保民垣四向縱射會暮敵引去得還關右大震時元昊傾國入寇福臨敵受命所統皆非素撫之兵又分出趨利故至甚敗奏至帝驚悼為之輟食夏竦使人收敗兵得琦檄於福衣帶間言罪不在琦琦亦上章自劾猶奪一官徙知秦州

三月敗范仲淹知耀州

分陝西為四路以韓琦王沿范仲淹龐籍兼經畧安撫招討使

二年冬十一月以韓琦范仲淹龐籍為陝西安撫經畧招討使

慶陽府志

卷之三十六

紀事

十

四年知環州种世衡卒於官

嘉裕元年環州小遇族叛知州張揆破降之

神宗熙寧三年八月夏人寇環慶州以韓絳為陝西宣撫使

八月夏人犯大順城知慶州李復圭以方畧授環慶路鈐轄李信慶州東路都巡檢劉甫監押种詠出戰兵少取敗復圭誣信等違其節制斬信及劉甫种詠死於獄是月慶州巡檢姚兕敗夏人於荔原堡鈐轄郭慶都監高敏死之

十月卒復主擅興兵敗績御史劾之貶保靜軍節度副使

十一月夏人寇大順城都監燕達等擊之

元豐四年夏人幽其主秉常秋七月詔李憲會陝西河東五路之師討之

十月環慶行營經畧使高遵裕復通遠軍种諤遣曲珍等領兵通黑水安定堡路遇夏人與戰破之斬獲甚衆五年六月環慶經畧使遣將與夏人戰破之斬其統軍崑名妹精崑副統軍勃訛遇

慶陽府志

卷之三十六

紀事

十一

哲宗元祐七年九月夏人寇環州

紹聖四年環慶鈐轄張存入鹽州俘戮甚衆及還夏人追襲之復多亡失

元符二年築環慶路之邊城六月賜環慶路之字坪曰清平關戊戌築之邊白豹城

徽宗政和四年環慶屬羌謀作亂以童貫為經畧使討之是年冬復失於夏

七年升慶州為慶陽軍後復升為慶陽府

高宗紹興元年鄜延將李允琦判犯慶陽府守臣楊

可昇擊敗之金人再圍環州

二年金人陷慶陽府執揚可昇降之

三年以徽猷閣直學士知慶陽府王似為陝西節制使四年改知成都府

四年吳玠及金人戰於邠州彭原店敗績部將楊晟死之

十年六月金人圍慶陽府權守臣宋萬年固守金人不能下十月降於金

冬十月金撒离喝陷慶陽河東經畧使王忠植死之

慶陽府志

卷之三十六

紀事

十一

三十二年吳璘遣將嚴忠復環州

先是十二年鄭剛中討商秦之半昇

金存上津豐陽天水三縣以隴西成紀餘地棄和尚原方山以大散關為界環州亦在彙中至是始復取

孝宗隆興元年四月金人拔環州守臣強寬及其弟

震死之復陷慶陽

自是環慶等路皆屬於金

金至寧元年五月夏人侵慶陽

正大六年冬十月蒙古圍慶陽

自是慶陽屬蒙古氏後改號曰大元

明成化八年滿都魯屢犯延綏總兵許寧力戰寇不得志直犯環慶寧將輕騎夜襲至鴨子湖奪馬畜而還

正德六年副總兵馮正以所部千五百人討賊至阜城令軍中毋顧首級貪冒獲功賊大敗賊嘉靖時言囊大掠清平偃延綏總兵周勳文坐奪俸二十五年秋八月大霧深入至慶陽由環縣掠而還指揮崔桂戰死

萬曆四十五年無為教李文等聚眾作亂太守史東昌同知李倫討平之

崇正元年土寇韓朝宰等作亂環縣守備裴某討平之

慶陽府志

卷之三十六

紀事

十一

二年三月流盜掠真寧寧州三水

三年六月王嘉胤據府谷掠延安慶陽城僅多陷

四年二月流寇神一元第一奎劉六子等圍城十一

日壅塞鴉池水道城內無水至有飲馬溺者定邊副

將張應昌中軍張天禮率兵擊之圍解於本月二十五日夜半至合水從北城入殺戮甚眾六月獨行狼犯合水

五年知縣施喬柙招撫復業七月遇天星賊數十萬圍慶陽城三晝夜總兵曹變蛟領兵從南殺入斬賊

首數千解圍是年饑民死無數

五年流寇神一元等衆萬餘盤據鉄角城攻破城邑
總督洪承疇將兵討之賊遁去

九年李自成由商維走延綏犯鞏昌北諸將左光先
曹變蛟破之自成走環縣未幾敗於羅家山盡必士
馬器仗總兵俞冲霄被執自成勢復振進圍綏德

十三年賊帥王老虎盤據金頂山延慶騷動巡撫丁
啟睿統兵征討駐府四十餘日是歲大旱重以耗竭
次年遂成奇荒

慶陽府志

卷之三十六

紀事

十四

十四年土寇司歪嘴等竊據宏化僅一帶中外震搖
守道林德馨親冒矢石攻破賊穴司賊凌遲餘解散
十四年正月流寇賀洪器齊三詐等率賊萬餘暗薄
合水城下防兵沈應時郭一學等斬獲渠魁齊三詐
等百餘級走之二月十五日平明火燒合水城門直
入城內殺戮之慘更甚於四年人民星散止餘空城
由是縣治遂廢

十六年十月闖賊攻破潼關長安諸城皆失十一月
十六日賊帥劉宗敏率兵五萬直逼慶城環圍數匝

官民固守擊死賊衆數萬賊攻益急十八日午時城陷守道段復興暨裨將周嘉彥推官靳聖居死之十一月賀洪器李大教圍寧州城中矢砲頗多賊攻四十餘日不克掠野而去

國朝

順治三年十二月賊郭君政陷寧州

四年正月初一日賊帥賀洪器等衆數萬圍城三日守道沈加顯參將曹希冬曹大川南一龍出戰斬首數十級生擒二人賊遁去

慶陽府志

卷之三十六

紀事

五

十年知縣劉源澄任合水議復縣城因城內荒蕪移居華池鎮招撫流移育士養民十四年知府楊蔭鳳協鎮李正芳知縣劉源澄各捐俸興工於九月初旬告成十月既望城垣官署煥然重新入城居住者近四百餘家

康熙十三年冬王輔臣叛十四年春平慶道差役於正月初四日至合水縣徵求縣印知縣于騰海知力不能支遂因乞終養以印與之二月內偽總兵周卷民夏台修李見初等縱兵入合水鄉村搶掠牛羊財

物甚衆邑人劉有餘率義兵禦之勢稍止九月邊賊南一元率衆入縣城劉有餘攻之不克一元大掠而去城為一空明年知縣李廷樞到任始稍稍安集招募得居民一二十家

康熙十四年春正月王輔臣之亂寧州人民逃竄四出偽總兵魏永錫等率領逆黨入據州城夏五月官兵入寧逆黨大肆屠掠六月復入州城盜踞一載城中房屋器具焚燬殆盡